



# QUE É A INICIATIVA URBANA

**U**RBANA é unha iniciativa cofinanciada pola Unión Europea, a través do Fondo Europeo de Desenvolvemento Rexional, incluída no Programa Operativo de Galicia 2007-2013, que ten como obxectivo pór en marcha estratexias innovadoras de rexeneración urbana que, mediante un enfoque integrado contemplando aspectos sociais, económicos e ambientais, favorezan un desenvolvemento urbano sostible de acordo cos principios e orientacións estratéxicos das políticas comunitarias.

A Iniciativa Urbana é unha iniciativa herdeira da que ata o de agora se coñecía co nome de Urban, que se pon en marcha no novo período de programación de fondos estruturais da Unión Europea 2007-2013 a partir do éxito da experiencia acumulada cos proxectos executados ao longo dos anos anteriores, e que se materializou en melloras palpables na calidade de vida das zonas subvencionadas polos anteriores Urban.

Entre os anos 1994 e 2006 foron 165 as cidades europeas que se beneficiaron das actuacións das iniciativas Urban I e Urban II, das que 39 foron cidades españolas e 4 galegas (A Coruña, Pontevedra e Vigo no Urban I e Ourense no Urban II).

Ademais desta experiencia acumulada a nova Iniciativa Urbana parte da consideración da importancia dun desenvolvemento urbano sostible e da contribución que as cidades poden facer ao desenvolvemento rexional europeo.

Esta iniciativa xorde no novo período a proposta da Administración Xeral do Estado a través da Dirección Xeral de Fondos Comunitarios do Ministerio de Economía e Facenda e vai destinar ás 43 novas cidades seleccionadas en toda España un total de 344 millóns de euros en axudas achegadas polo FEDER. No caso de Galicia, foron seleccionadas ademais de Santiago as cidades da Coruña, Ferrol e Lugo.

**A nova Iniciativa Urbana parte da consideración da importancia dun desenvolvemento urbano sostible e da contribución que as cidades poden facer ao desenvolvemento rexional europeo.**





---

# ZONA DE ACTUACIÓN

---

**A** zona de actuación estará constituída polos barrios do norte de Santiago: Vista Alegre, Romaño, Vite, Guadalupe, Salgueiriños, San Caetano, Basquiños, Ultreia, Espírito Santo, A Estila, A Almáciga, San Pedro, Concheiros, Belvís e Quiroga Palacios.

e envellecemento demográfico. Desde o punto de vista urbanístico abundan as construcións antigas ou necesitadas de reformas, con deseño de rúas inacabado ou non adaptado ás necesidades actuais e cunhas necesidades comúns en materia de infraestruturas e de fomento de actividades económicas e sociais.



---

**A zona de actuación estará constituída polos barrios do norte de Santiago: Vista Alegre, Romaño, Vite, Guadalupe, Salgueiriños, San Caetano, Basquiños, Ultreia, Espírito Santo, A Estila, A Almáciga, San Pedro, Concheiros, Belvís e Quiroga Palacios. Esta zona representa o 30% da superficie residencial do núcleo urbano de Santiago e concentra unha poboación de 18.831 habitantes.**

Esta zona representa o 30% da superficie residencial do núcleo urbano de Santiago e concentra unha poboación de 18.831 habitantes. No momento en que se preparou a memoria da candidatura do proxecto, realizouse un estudo socioeconómico detallado da zona e comparouse co resto da cidade. As conclusións de dito estudo apuntan a unha serie de carencias ou deficiencias que esixen un conxunto de actuacións para contribuír a recuperar o equilibrio.

Así a zona norte aparece como unha área unificada de características socioeconómicas diferenciadas do resto da cidade, con síntomas de debilitamento

Esta zona adxacente ao núcleo histórico quedou parcialmente encaixada polos novos desenvolvementos ao oeste (Auditorio de Galicia) e ao nordeste da cidade (edificios administrativos e residenciais de San Lázaro e Fontiñas). Deste xeito non se beneficiou do crecemento económico que experimentou Santiago nos últimos anos que se traduciu sobre todo en nova construción nas zonas de expansión da cidade.

# ESTRATEGIA E OBXECTIVOS



A partir do diagnóstico que presenta a zona de actuación cunha situación de desvantaxe socioeconómica en comparación co resto da cidade, a formulación de obxectivos e liñas estratéxicas do proxecto baséase fundamentalmente en:

- Abordar os aspectos claves para a recuperación ambiental e urbana da zona de actuación, como base para a súa dinamización económica e a súa plena inserción nas dinámicas da cidade en estreita cooperación cos axentes económicos e sociais.
- Asegurar a complementariedade e coherencia con:
  - Obxectivos e prioridades comunitarios establecidos en materia de desenvolvemento sostible.
  - Outras políticas comunitarias, en especial, coas relativas ao emprego, ao medio ambiente, á igualdade de oportunidades e ao desenvolvemento da sociedade da información.
  - A estratexia de desenvolvemento rexional e da cidade, e en especial coas actuacións previstas na zona de Santiago norte.

Deste xeito o obxectivo central do proxecto Urbana Santiago Norte é converter esta zona de Santiago nunha zona residencialmente atractiva e plenamente incorporada ás dinámicas socioeconómicas da cidade

A partir deste obxectivo central podemos definir os seguintes obxectivos específicos:

- **Mellorar a calidade de vida na zona de intervención.**
- **Incrementar as posibilidades de emprego dos residentes.**
- **Aumentar as dotacións de servizos públicos, especialmente dos equipamentos que facilitan a socialización.**
- **Facilitar a integración de colectivos en risco de exclusión.**



# ACTUACIÓNS PREVISTAS

